

Moras virus Corona 2019 (COVID-19)

Relatóriu Situasaun – 119

Timor-Leste



World Health
Organization

Timor-Leste

- Dadus relata to'o loron 28 Setembru 2021

SITUASAUN IHA NÚMERU

TIMOR-LESTE



Kumulativu
19,445 (320)



Rekuperadu (foun)
18,493 (794)



Kazu ativu
838



Óbitu (foun)
114 (7)

GLOBÁL



Kazu
232,075,351



Óbitu
4,752,988

PROGRESU IMUNIZASAUN COVID-19



Doze 1^a – **439,408**
Kobertura – **58.2%**



Doze 2^a – **268,098**
Kobertura – **35.5%**

* Bazeia ba dadus ne'ebé públika husi [Ministerio da Saúde](#)

PROGRESU IMUNIZASAUN COVID-19



Doze vasina
5,924,819,985

SUMÁRIU

- Dezde edisaun ikus relatóriu situasaun, Ministeriu Saúde relata tan kazu foun COVID-19 hamutuk **320**, kazu rekuperadu hamutuk **838** no kazu óbitu **7**. Enkuandu númeru kazu sira ne'e hatudu sinál komesa menus, maibé kazu óbitu kontinua nafatin dezde fulan Agostu.
- Atu haforsa responde ba COVID-19 iha comunidade sira iha área fronteira, Ministériu Saúde liuhusi Pilar 4 no serbisu hamutuk ho INS no IOM no apoiu husi OMS no finansia husi Uniaun Europeia (UE), hala'o serie treinamentu ba ofisiál imigrasaun fronteira nian kona-ba Pdraun Prosedimentu Operasionais hodi bele hatene oinsá atu prevene, detekta no responde ba COVID-19, no mós halo advokasia kona-ba medida preventiva COVID-19 nian.
- Ministériu Saúde ho apoiu tékniku husi OMS no finansia husi UE, emprega pesoál saúde nain 20 hodi fó apoiu ba pilar 3 nia serbisu iha rastreiu kontaktu, teste masal no halo teste swab iha kuarentena.
- UNICEF kapasita sistema korrente malirin iha SAMES hodi bele armazena ho dí'ak no distribui vasina ba territóriu tomak. UNICEF mós halo akizisaun no entrega ona unidade haat konjeladór temperatura *ultra-cold* ho apoiu husi COVAX Facility hodi prepara ba armazena

vasina COVID-19 Pfizer doze 100,620 ne'ebé sei mai no vasina ne'e prezisa atu armazena iha konjeladór ne'ebé ho temperatura ki'ik tebes. UNICEF no Embaixada Japaun mós entrega sala malirin no konjeladór (*freezer*) ba armajen rejionál sira hodi bele garante armazenamentu vasina rutina no mós vasina sira seluk, ba transportasaun ne'ebé lalais, ekonómiku no efisiente, no disponibilidade estoke kontijensia iha armazem rejionál. UNICEF mós fó apoiu jeradores *backup* hodi bele asegura enerjia estavel no armazenamentu vasina iha armazem rejionál sira. Alende ne'e, UNICEF mós fó apoiu ba MS hodi sosa tan konjeladór *ultra cold* 16 no nia ekipamentus sira seluk ba armazem rejionál haat sira seluk.

- OMS, ho assisténsia tékniku husi Uniaun Europeia, kontinua fó apoiu tékniku ho lojistika hodi fó treinamentu no dezenvolve kompeténsia ba pesoál saúde, pesoál suporta sira, seguransa, ofisial imigrasaun no ba estabelesimentu privadu sira kona-ba Prevenasaun Kontrolu Infesaun (IPC) hodi responde ba COVID-19 liuhusi programa kompreensivu ba dezenvolve kompeténsia hamutuk ho MS no HNGV no parseiru sira. OMS mós dezenvolve/adapta ona matadalan sira, SOPs, algoritmu no prosedimentu IPC. Alende ne'e, apoiu mós produktu IPC nian no konsumaveis sira seluk, inklui PPE ne'ebé entrega ona ba MS.
- OMS fó apoiu tékniku no lojistika ho finansia husi Uniaun Europeia (UE), fó formasaun no kapasita kompeténsia pesoál saúde sira nian ba jestaun kazu no pesoál sira seluk kona-ba COVID-19 liuhusi programa kompreensivu ba dezenvolve kompeténsia hamutuk ho MS no HNGV no parseiru sira. OMS mós dezenvolve/adapta ona matadalan sira, SOPs, algoritmu no prosedimentu sira ba kuidadu kliniku pasiente sira. Alende ne'e, OMS mós halo ona aprovizionamentu ba medikamentus, konsumaveis, no ekipamentu ba sentru izolamentu sira. Espesialista nain rua, Espesialista ba Kuidadu Kritíku, kontinua fó konsellu ba jestaun kazu grave no kritíku.
- Ho fundus husi Uniaun Europeia, OMS fó apoiu tékniku no finansiál hodi halo renovasaun no hadi'ak fasilidade izolamentu, inklui Vera Cruz no Lahane. Apoiu ne'e involve hadi'ak liután infraestrutur tomak. Alende ne'e, fornese mós ekipamentu no lojistika ba laboratóriu, fasilidade izolamentu no kuarentena. No inklui mós apoiu transporte ba tula amostra, no vizita monitorizasaun entre pilares hirak ne'e.
- Iha loron 22 Setembru, UNICEF lori ekipamentu médiku ba Timor-Leste hodi responde ba COVID-19 iha rai laran, ba kampaña vasina COVID-19, no ba serbisu esensiais saúde nian. Alende ne'e halo akizisaun ba konjeladór *ultra cold*, UNICEF mós fasilita transportasaun vasina liu husi doze 200,000 ne'ebé maka Governu Timor-Leste sosa ba vasina rutina, siringa 170,000, luvas 20,000, meza ezaminasaun *gynaecological* 22, kit teste PCR, pasta *biohazard* 5,000 no ekipamentu médiku sira seluk ne'ebé maka sosa ho fundu no apoiu husi UNICEF no Asian Development Bank

- OMS fó apoiu tékniku hodi dezenvolve pakote treinamentu (iha lian Ingles no Tetum) ba vasina COVID-19 Pfizer no hala’o workshop ba fasilitadores dahuluk iha INS. Preparasaun ba treinamentu no preparasaun sira seluk agora iha hela prosesa nia laran.
- OMS fó apoiu tékniku ba MS, dezenvolve Estratéjia Nasionál Ai-han Seguru hodi haforsa kontrolu nasionál nian ba seguransa ai-han, no hamenus moras kauza husi hahan. Estratéjia Nasionál Ai-han Seguru ne’e mós iha tempu hanesan disemina entre *stakeholder* sira hamutuk no materiais edukasaun komunikasaun “Xave 5 ba ai-han seguru” ne’ebé maka kompostu husi video no materiais imprime sira. Governu Timor-Leste foti ona medidas importante balun hodi asegura disponibilidade ai-han seguru, iha qualidade no nutritivu.
- Ho apoiu finanseiru husi Uniaun Europeia, OMS kontinua fornese apoiu tékniku estensivu ba Ministériu Saúde hodi kontinua mantein serbisu saúde esensiais. Ida ne’e inklui halo adaptasaun ba matadalan no protokolu ba programa kontrola moras (*doenças*) no halo avaliasaun iha territóriu tomak kona-ba impaktu husi pandemia no interrupsaun ba serbisu saúde esensiais sira seluk. Alende ne’e, kontinua mós fó apoiu lojistika no finanseiru hodi bele kontinua mantein serbisu saúde esensiais hirak ne’e, ezemplu, apoiu ba programa nasionál imunizasaun, avaliasaun ba Moras Tropiku Abandonadu, serbisu ba programa NCD, kapasitasaun ba serbisu saúde mental, estabelese Kliníka Hapara Fuma ba dahuluk, no atividades saúde ambiental nian.
- OMS no UNICEF kontinua fó apoiu operasionál ba Serbisu Saúde Munisípiu hodi hasa’e kobertura vasina COVID-19 ba populasaun ho idade 18 ba leten.
- UNICEF no OMS kontinua fó apoiu tékniku ba MS hodi avalia kobertura vasina no buka solusaun hamutuk ba kestaun sira ne’ebé enfrenta iha kampaña vasina ida ne’e, inklui mós partisipa iha workshop avaliasaun kampaña vasina COVID-19 iha loron 21 Setembru.
- OMS no UNICEF kontinua halo advokasia kona-ba prevensaun COVID-19 no ba vasina nian liu husi kanál media sosiál, televizaun no radiu comunidade sira.

ATUALIZASAUN EPIDEMIOLOGÍKU

- **Kazu COVID-19 kumulativu no kazu foun**
 - Númeru kazu foun kontinua tuun. Kazu foun diáriu agora entre 30 – 60 kompara ho loron 7 ikus liubá.



Data notifikasaun kazu foun no kumulativu COVID-19 iha Timor-Leste
(28 Sep 2021 : Kazu Foun 47 Kumulativus 19445)



- **Distribusaun kazu no kazu óbitu tuir munisípiu**

Distribusaun kazu foun ne'ebé relata, kazu rekuperadu no kazu ativu tuir munisípiu, (husi 22-Sep-2021 : 28-Sep-2021)


Munisípiu	Kazu foun (22 Sept – 29 Sept 2021)	Kazu kumulativu	Kazu rekuperadu (22 Sept – 28 Sept 2021)	Kazu rekuperadu kumulativu	Kazu óbitu foun (22 Sept – 28 Sept 2021)	Kazu óbitu kumulativu	Kazu ativu (28 Sept 2021)
Aileu	0	126	16	125	1	1	0
Ainaro	1	227	14	223	0	3	1
Baucau	78	1451	0	1253	0	6	192
Bobonaro	20	577	43	499	0	9	69
Covalima	1	772	36	657	0	2	113
Dili	162	13538	519	13107	2	78	353
Ermera	0	1113	49	1111	0	2	0
Lautem	9	182	10	150	1	5	27
Liquica	2	125	4	116	0	1	8
Manatuto	8	202	13	190	1	1	11
Manufahi	6	261	4	252	0	0	9
RAEOA	21	365	65	325	0	1	39
Viqueque	12	506	21	485	2	5	16
TOTAL	320	19445	794	18493	7	114	838

- Iha loron 7 ikus ne'e, maioria kazu foun sira relata husi Dili, tuir Baucau, Oecusse no Bobonaro. To'o loron 28 Setembru 2021, número kazu ativu tuun ba 838, ho kazu maioria iha Dili, tuir Baucau, Covalima no Bobonaro.
- Kazu óbitu hitu ne'ebé relata iha loron 7 ikus ne'e, nain rua husi Dili no Viqueque, husi Aileu, Lautem, no Manatuto ema nain 1 hotu. Número óbitu kontinua tuun iha loron 7 ikus ne'e kompara ho semana hirak liubá.
- **Karaktéristiku kazu foun ne'ebé relata**
 - Kazu foun ne'ebé relata iha loron hitu ikus ne'e hatudu tendénsia ne'ebé hanesan ho semana kotuk. Husi kazu total 320, mane iha nain 155, no fetu 165. Kazu 122 (38%) mak iha sintomas bainhira halo diagnóstiku. Notavel tebes katak, iha kazu 53 (17%) mak idade menus husi 18, no kazu 30 (9%) mak idade 60 ba leten. Iha kazu 53 (17%)


mak simu vasina kompletu, no sira seluk seidauk simu vasina (kazu 232 ka 72%) no iha balun mak la hatene nia estatutu vasina nian (11%).

- **Teste diáriu, taxa positivu no taxa teste positividade**


- Númeru teste amostra, kazu positivu, no taxa teste positividade kontinua tuun durante loron 7 ikus ne'e. Taxa positividade varia entre 5 – 14%, maibé kontinua menus husi 10% iha kazu diáriu.



JESTAUN KAZU COVID-19



Númeru pasiente tama izolamentu hahú menus iha fulan Setembru 2021 nia laran. Númeru pasiente ne'ebé baixa iha sentru izolamentu krítiku (Lahane no Vera Cruz) mós kontinua menus no pasiente baixa iha entre 20 – 40. Dezde inisiu konfinamentu obrigatóriu 27 Agostu, persentajen baixa komesa tuun ba 85% iha sentru izolamentu sira.



Gráfiku ida ne'e hatudu númeru pasiente ne'ebé tama sentru izolamentu ho halo auto-izolamentu iha munisípiu 12 kompara ho Dili. Iha territóriu tomak, númeru pasiente sira ne'ebé tama baixa iha sentru izolamentu kontinua tuun.

IMUNIZASAUN COVID-19

Iha periodu relatóriu ida ne'e, total doze vasina COVID-19 ne'ebé administra **707,146** kompostu husi doze dahuluk **439,048** (kobertura 58.2%) no doze daruak **268,098**, (kobertura 35.5%) maka administra ona iha territóriu tomak iha Timor-Leste. Detallu husi númeru doze vasina ne'ebé administra ona ba doze dahuluk no doze daruak ba populasaun grupu prioridade sira bele refere ba Tabela 1.

Tabela 1: Númeru doze vasina COVID-19 ne'ebé administra ona no kobertura iha Dili no Timor-Leste tuir vasina nia marka no doze sira, atualizada to'o 10:00hrs 28/09/2021




Figura 1: Kobertura vasina COVID-19 tuir munisípiu iha Timor-Leste atualizada 10:00 hrs 25/09/2021




Tabela 2: Númeru ema sira ne'ebé vasinadu no EADI tuir sexu atualizada to'o 10:00 hrs 25/09/2021

Municipality	Number Vaccinated						AEFI		
	First Dose			Second Dose			Male	Female	Total
	Male	Female	Total	Male	Female	Total			
Dili	93,996	72,785	166,781	80,419	62,841	143,260	12	21	33
Aileu	8,346	6,627	14,973	3,695	2,320	6,015	1	1	2
Ainaro	7,330	5,684	13,014	3,201	2,174	5,375	0	0	0
Baucau	21,762	18,178	39,940	11,508	8,504	20,012	0	0	0
Bobonaro	13,439	10,562	24,001	4,976	3,382	8,358	4	6	10
Covalima	14,442	12,825	27,267	7,481	5,857	13,338	7	6	13
Ermera	14,433	9,581	24,014	5,152	3,053	8,205	0	0	0
Lautem	9,353	8,407	17,760	4,894	4,337	9,231	2	0	2
Liquica	11,654	10,200	21,854	5,797	4,541	10,338	0	1	1
Manatuto	8,975	7,159	16,134	4,053	2,886	6,939	2	0	2
Manufahi	8,421	6,163	14,584	4,911	3,031	7,942	0	0	0
Viqueque	15,056	14,099	29,155	9,228	8,198	17,426	3	0	3
ZEEMS (Oecusse)	15,179	14,392	29,571	6,266	5,393	11,659	0	0	0
Total (without Dili)	148,390	123,877	272,267	71,162	53,676	124,838	19	14	33
Total (Timor-Leste)	242,386	196,662	439,048	151,581	116,517	268,098	31	35	66

Figura 2: Progresu semanál imunizasaun COVID-19 iha Timor-Leste atualizada to'o 10:00 hrs 28/09/2021




Tabela 3: Númeru ema individuu entre populasaun elijivel sira (tinan 18 no liu*) ne'ebé vasinadu ona iha Timor-Leste ho vasina COVID-19 no kobertura atualizada to'o 10:00hrs 28/09/2021

Municipality	Eligible Population			Number vaccinated & Coverage											
	High Risk Groups (20% Pop.)	18-59y no comorbidity (80% Pop.)	Total	First Dose						Second Dose					
				High Risk Groups (20% Pop.)	Coverage	18-59y no comorbidity (80% Pop.)	Coverage	Total	Coverage	High Risk Groups (20% Pop.)	Coverage	18-59y no comorbidity (80% Pop.)	Coverage	Total	Coverage
Dili	29,980	183,822	213,802	51,659	172.3%	115,122	62.6%	166,781	78.0%	31,946	106.6%	111,314	60.6%	143,260	67.0%
Aileu	6,292	24,943	31,235	6,903	109.7%	8,070	32.4%	14,973	47.9%	3,045	48.4%	2,970	11.9%	6015	19.3%
Ainaro	7,410	27,726	35,136	3,441	46.4%	9,573	34.5%	13,014	37.0%	1,949	26.3%	3,426	12.4%	5375	15.3%
Baucau	18,141	55,175	73,316	11,883	65.5%	28,057	50.9%	39,940	54.5%	6,706	37.0%	13,306	24.1%	20012	27.3%
Bobonaro	13,268	43,476	56,744	8,002	60.3%	15,999	36.8%	24,001	42.3%	3,725	28.1%	4,633	10.7%	8358	14.7%
Covalima	8,725	31,503	40,228	8,109	92.9%	19,158	60.8%	27,267	67.8%	4,571	52.4%	8,767	27.8%	13338	33.2%
Ermera	14,350	60,793	75,143	6,378	44.4%	17,636	29.0%	24,014	32.0%	2,284	15.9%	5,921	9.7%	8205	10.9%
Lautem	8,455	27,963	36,418	5,466	64.6%	12,294	44.0%	17,760	48.8%	3,346	39.6%	5,885	21.0%	9231	25.3%
Liquica	9,588	35,597	45,185	5,328	55.6%	16,526	46.4%	21,854	48.4%	2,742	28.6%	7,596	21.3%	10338	22.9%
Manatuto	6,701	21,718	28,419	4,599	68.6%	11,535	53.1%	16,134	56.8%	2,320	34.6%	4,619	21.3%	6939	24.4%
Manufahi	7,595	25,766	33,361	5,697	75.0%	8,887	34.5%	14,584	43.7%	4,065	53.5%	3,877	15.0%	7942	23.8%
Viqueque	11,034	32,534	43,568	9,157	83.0%	19,998	61.5%	29,155	66.9%	6,090	55.2%	11,336	34.8%	17426	40.0%
ZEEMS (Oecusse)	9,408	32,905	42,313	10,643	113.1%	18,928	57.5%	29,571	69.9%	4,675	49.7%	6,984	21.2%	11,659	27.6%
Total (without Dili)	120,967	420,098	541,065	85,606	70.8%	186,661	44.4%	272,267	50.3%	45,518	37.6%	79,320	18.9%	124,838	23.1%
Total (Timor-Leste)	150,947	603,920	754,867	137,265	90.9%	301,783	49.97%	439,048	58.2%	77,464	51.3%	190,634	31.6%	268,098	35.5%

*Based on 2021 population projections. Population with Comorbidity 12.5% among 30-59y based on 2016 DHS data
 High Risk Groups (20% of the population) - Healthcare staff, other front line staff, aged 60y and above, and 18-59y with comorbidity
 18-59y with no comorbidity (80% of the population)

OMS TIMOR-LESTE NIA OBJETIVU ESTRATÉJIKU

- Hapara moras da'et husi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun propagasaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no tratamentu ba paciente; inklui fornese mós kuidadu óptimu ba paciente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhusi servisu hamutuk ho parseiru sira.
- Hamenus impaktu sosiál no ekonómiku liuhusi parseria multisetorál.

MEDIDA PREVENTIVA SAÚDE PÚBLIKU NO SOSIÁL

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia husi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai husi sira-nia inus kaibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin klood, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, husi liman bele transfere virus ba matan, inus ka ibun. Husi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita husi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun husi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba desenvolvimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasionál no lokál, ka empregadór kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasionál no lokál sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi husi #COVID19:

- Takaibun no inus bainhira me'ar
- Labele ka'er matan, inus noibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distánsia metru ida ka liu husi ema seluk
- Hamoos beibeik objetu no fatin sira ne'ebé ita kaer beibeik
- Izola an husi ema bainhira sente moras no buka tratamentu, bainhira presiza

Ba matadalan kona-ba medida preventiva seluk disponivel iha [ne'e](#).

VASINA COVID-19

Vasina nia efikasias, efetividade no protesau

- Vasina COVID-19 prova ona katak seguru, efetivu no ajuda salva moris. Hanesan vasina sira seluk, vasina ne'e la proteje ema hotu ne'ebé simu ona vasina ne'e, no ita seidak hatene se vasina ne'e bele prevene ema husi hada'et virus ne'e ba ema seluk. Nunee, alende vasina, ita mós tenke kontinua ho medida prevensaun sira seluk atu bele kombat pandemia ida ne'e.
- Asesu ne'ebé ekitavel ba vasina seguru no efetivu ne'e importante tebes hodi hapara pandemia COVID-19.
- Vasina ne'ebé seguru no efetivu ne'e intervensaun di'ak tebes; maibé ba futuru ne'ebé di'ak ita presiza kontinua uza máskara, fase liman, mantein ventilasaun ne'ebé di'ak, mantein distánsia fíziku no evita halibur malu.
- Bainhira vasina ona la signifika katak ita husik ona ita-nia defeza tuun no tau ita-nia an no ema seluk iha risku, liuliu tanba peskiza sei kontinua la'ó hela kona-ba to'ó bainhira maka vasina bele proteje ita la'os de'it ba moras ne'e maibé kontra infesaun no transmisaun.

- Maibé, la'ós vasina mak sei hapara pandemia ida ne'e, maibé imunizasaun. Ita tenke garante katak iha asesu ba vasina ne'ebé justu no ekitavel, no garante katak nasaun sira ne'ebé simu no bele hahú kampaña imunizasaun hodi bele proteje sidadaun sira, hahú husi ema sira ne'ebé vulneravel.

Delta Variant VARIANTE DELTA HUSI SARS-CoV-2

- Variante Delta ne'ebé sai hanesan variante preokupante ida ne'ebé OMS tuir no monitoriza iha mundu tomak. Ida ne'e variante preokupante tanba ita hatene nia maneira hada'et ne'ebé makaas. Ida ne'e hatudu ona iha nasaun barak. No ita hotu hatene katak variante Delta identifikadu, no da'et ho lalais entre ema ida ba ema seluk kompara ho variante Alpha ne'ebé maka detetadu uluk liu iha fulan Dezembru, Janeiru 2021. Mundu kontinua iha risku ba infesaun, inklui variante preokupante sira seluk, inklui variante Delta.
- Iha medidas barak mak ita bele halo hodi proteje an no kuidadu maluk no família sira protejidu kontra virus ne'e, inklui variante Delta. Ida ne'e inklui asegura katak ita nafatin fase liman no uza máskara, asegura katak máskara ne'ebé ita uza ne'e, taka inus no ibun no fase liman antes uza máskara, no depois hasai máskara. Medida seluk ida maka kontinua evita fatin públuku sira, mantein distánsia seguru husi ema seluk, garante katak se bainhira ita iha uma laran ruma, tenke iha ventilasaun ne'ebé di'ak. No iha fatin balun, ida ne'e maneira simples ida hanesan loke janela atu nunee bele iha ár tama mai uma laran. Aplika medida preventiva sira ne'e hotu sei hamenus possibilidade da'et virus ne'e no mós hamenus possibilidade hetan infesaun.

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
- Alende ne'e, [Pájina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
- OMS Timor-Leste liuhusi nia [Pájina Facebook](#) no [Twitter](#) mós disemina informasaun kona-ba medida preventiva, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int